

Պ Ե Ղ Ո Ի Մ Ն Ե Ր

ՆՈՐ-ԲԱՅԱԶԷՏԻ ԳԱԻԱԴՈՒԹ

1908 թուին

Ե. ԱՂԱՅՆԱՆԻ

Անցեալ երկու տարիների ճանապարհորդութեանս ընթացքում ժամանակի և միջոցների սղութիւնը թոյլ չէին տուել ինձ պեղել մի քանի մեծ դամբաններ, ուստի և ներկայ ճանապարհորդութեանս միջոցին իմ գլխաւոր ուշադրութիւնը կենդրոնացրի այդ մեծ դամբանների վրայ: Փոքր դամբաններ պեղում էի միայն այն ժամանակ, երբ դեռ ևս փորւում էր մեծ դամբանի հողակայանը: Անհրաժեշտ է նկատել, որ մեծ դամբանները, ինչպէս ցոյց տուին թէ անցեալ և թէ այս տարուայ պեղումներս, ընդհանրապէս անաղարտ չէին: Գրեթէ բոլորն էլ որոշ չափով թալանուած էին: Միքանիսի մէջ ական կար, միւսների մի որեւէ պատի միջից մի կամ երկու քար հանուած էին: Մեծ մասամբ տարուած են զէնքերն ու զարդերը: Առաւել մեծ մնաս հասցրել է գիւղացիների գութանը՝ շատ անգամ բանալով զերեզմանի մի որեւէ մասը:

Ղշլաղ.— Ես պեղումներ կատարեցի նախ դարձեալ Ղըշլաղ գիւղում, ուր դեռ ևս մնում էին էլի բազմաթիւ դամբաններ: ¹⁾

Այս գիւղի շրջակայքում պեղածս դամբաններից ամենահետաքրքրականները գտնւում են

Ա. Գրթըպի ձորում: Սա ձգւում է գիւղի արեւելահարաւային մասում, որի մի ծայրը հասնում է Նոր-Բայազէտի Մալականի-դարի-գիւղի, իսկ միւսը՝ Ղուլալիի Սաղախաչի ձորը: Յայտնի է, որ այս երկու տեղումն էլ կան դամբաններ, միայն համեմատաբար աւելի փոքր:

Այս ձորակը իւր այժմեան անունն ստացել է այն հանգա-

¹⁾ Այս պեղումների ժամանակ գտնուած իրերը ցուցադրուած են Հայոց Ազգագրական ընկերութեան նորահաստատ թանգարանում:

մանքից, որ մօտիկ անցեալում այստեղ բնակուելիս են եղել թուրք գնչուները—մըթըպներ:

Այս ձորի մէջ ձգւում են թէ արեւելքից արեւմուտք, և թէ հիւսիսից հարաւ դամբաններ: Առաջինից նկատելի է միայն մի շարք, իսկ երկրորդից երկու:

1. Առաջին շարքի մէջ ամենահետաքրքրականն առաջին դամբանն է, որ գտնուում է շարքի արեւելեան ծայրում, հարթութեան վրայ: Սա բաւական մեծ է, 20 մետր տրամագծով մի շրջանակ ունի՝ կազմուած միջակ քարերով: Դաշտի մակերևոյթից այդ դամբանն այժմ հազիւ մի մետր բարձր լինէր, որովհետեւ գիւղացիները քար կրելու նպատակով բաւական քանդած էին: Գերեզմանի պատերը երեսցին հէնց որ պեղեցինք մինչև դաշտի մակերևոյթը: Գերեզմանն ուղղուած էր հարաւ-արեւելքից հիւսիս-արեւմուտք և քառակուսի էր: Միջակ և մեծ, անտաշ քարերով էին քաշուած պատերը, որոնք ուղղահայեաց բարձրանում էին, առանց հետգհետէ մօտենալու՝ թաղ կազմելու նպատակով: Գերեզմանը սովորական մեծ սալերով ծածկուած չէր, այլ միջակ և փոքր քարերով լցուած: Ութ խորանարդ մետրաչափ քարեր և բաւականաչափ հողահանելուց յետ՝ բացուեց ամբողջ գերեզմանը՝ 6 մետր երկարութեան, երկուսուկէս մետր լայնութեան և 4 մետր խորութեան: Այս ընդարձակ տարածութեան մէջ, գերեզմանի երկարութեամբ, հիւսիսային պատին կից, երեսը դէպի հարաւ, աջ կողքի վրայ պարկած էր մի մեծ եզան կմախք, որի դանդը վերցրի (ՆՁ 549): Գլխի մօտ ոչինչ չկար դրուած. իսկ պոչի մօտ երեք կաւէ ձաղառաձև խողովակներ (ՆՁ 544—546) և մի խեցի (ՆՁ 547), որ շատ նման է այժմեան մեր գլւղերում և քաղաքներում գործածուող խնկանոցին: Սրա մօտ էլ գտնուում էր մի փոքրիկ, կաւէ արկղիկ, նշխերով զարդարուած: Թոյլ եմ տալիս ինձ ենթադրելու, որ կովկասեան այս Ապիսի պոչի մօտ դրուած ձաղառաձև 3 խողովակները՝ որ յիշեցնում են ատրուշանները՝ դրուել են կրակի վրայ՝ նրան աւելի բորբոքելու նպատակով և սրանց մէջ ածել են խուռնկ, որ դրուած է եղել այն կաւէ արկղիկի մէջ: Իսկ խնկանոցանման ամանը երևի դրուել է ձաղառաձև խողովակների վրայ՝ խնկի ծուխը իւր մէջ ամփոփելու, և իւր վերայի ծակերով ձխելու: Սրանցից մի քիչ հեռու, այդ սրբացած եզան ոտների մօտ, հետեապէս և հարաւային պատին կից դրուած էր մի պուլիկ՝ ոչխարի ոսկորներով լի:

2—7. Այս շարքում կային նաև 7 ուրիշ դամբաններ՝ բոլորն էլ բաւական մեծ. սրանց բոլորի էլ վրայի սալքարերն արդէն երևում էին, որովհետև Նոր-Բայազետցիներն ու Ղըշեցիները քարեր տանելու նպատակով քանդել էին սրանց վրայի հողակոյտե-

ըր, Թէպէտ և այս դամբանների վրայ ձգուած ահագին սալքարերը բաւականաչափ պաշտպանել էին գերեզմանները, սակայն և այնպէս՝ պատի մի որևէ քարը, կամ սալերի միջև ընկած փոքր քարերը հանելով՝ ներս էին խնկուել և ինչ որ գտնուել էր վերին շերտերում՝ հանել տարել: Գոնէ մնացածները գիտութեան համար փրկելու յուսով ես պեղեցի բռնորն էլ, նոյն իսկ վեցերորդը, որ ամենամեծն է, ծածկուած ութ մեծ սալքարերով, որոնց միջև եղած փոքր քարերը պարզ երևում է, որ հանուած են: Սրա գերեզմանի երկարութիւնն է 3 $\frac{1}{2}$ մետր, լայնութիւնը 2,50 մետր, իսկ խորութիւնը՝ 3 մետր: Սալքարերի տակ հազիւ քառորդ մետր դատարկ էր, մնացածը լցուած էր հողով: Դամբանը մօտ 2 մետր տարածութեամբ դատարկեց յիտ՝ երբ հասանք գերեզմանի յատակին և այնտեղ գտանք կոտրատուած ամաններ և փշրուած ոսկորներ՝ համոզուեցինք, որ ոչ թէ միայն վերին շերտերն են խառնուած, այլ և ամբողջովին պեղուած է, ուստի և դադարացրինք աշխատանքները:

8. Փոքր ի շատէ անեղծ մնացած դամբաններից առաջին տրամագիծն է 12 մետր, բարձրութիւնը դաշտի մակերևոյթից 2 մետր: Շուրջանակի պատած է մեծ մեծ քարերով: Գերեզմանի ուղղութիւնը նոյնն է՝ հարաւ—արևելքից հիւսիս արևմուտք: Երկարութիւնն է 3,50 մետր, լայնութիւնը 1,50 մետր և խորութիւնը 2 մետր: Չորս պատերն էլ, որ դասաւորուած են քառանկիւնի ձևով, անտաշ մեծ մեծ քարերից են շինուած և ծածկուած երեք մեծ սալքարերով:

Գերեզմանի մէջ տեղում, հիւսիսից հարաւ պառկած էր մի երկարադուլի կմախք (Ն Ա), որի մէջքին կար մի բրոնզէ ապարանջան: Այս կմախքի մօտից գտնուեց երկու բրոնզէ բաղանման պանդրոկ, (Ն 542), 2 բրոնզէ ապարանջան, երկու վանակատի նետ (Ն № 63 և 64) և մի բրոնզէ կոճակ:

Այս կմախքից դէպի արևմուտք, երկու պատին կից արևելքից արևմուտք պարկած էին երեքական կմախքներ, որոնց մօտ գտնուում էին կոտրատուած պուլիկներ:

Նոյն կմախքից դէպի արևելք էլ կար ուրիշ երկու երկարագուլի կմախք՝ արևելքից արևմուտք ուղղուած, որոնցից առաջինը ալ կողքի, իսկ երկրորդը մէջքի վրայ էր պառկած: Վերջինիս մօտ գտնուեց մի պուլիկ:

9. Նոյն շարքի երկրորդ դամբանը նոյնպէս շուրջանակի պատած է մեծ մեծ քարերով և 15 մետր տրամագիծ ունի: Հողակոյտի բարձրութիւնը այժմ միայն 2 մետր է, մինչդեռ, գիւղացիների ասելով, առաջ շատ բարձր է եղել, իրենք գիւղացիները

քանդել են քարերը տանելու համար: Գերեզմանի ուղղութիւնը հարաւ արեւելքից հիւսիս արեւմուտք է: Անտաշ քարերով շինուած չորս պատեր՝ բարձրանալով հետզհետէ մօտենում են իրար, և կրում չորս մեծ սալաքարեր, որոնց երկարութիւնը 2,50 մետր է, լայնութիւնը 1—1,70 մետր, հաստութիւնը 0,50—0,80 մետր: Գերեզմանի երկարութիւնն է 5,30 մետր, լայնութիւնը 2,80 մետր, իսկ խորութիւնը՝ 3,20 մետր: Գերեզմանի հարաւ-արեւելեան ծայրում բացուեց մի ձիու կմախք, հարաւից հիւսիս, մէջքի վրայ ընկած, գլուխը առաջի ոտներին կից, հրեի այդ տեղից կապել էին, որովհետեւ հէնց այդ տեղում կար երկաթէ մի կապանք (№ № 438 և 439): Ձիու երախուճն էլ կար երկաթէ մի մեծ սանձ (№ 437): Կմախքի վրայից գտնուեց ձիու բրոնզէ զարդարանքներ (№ № 443—465). և բրոնզէ հինգ նետ (№ № 70—75): Գերեզմանի-հիւսիս-արեւմտեան մասում, ձիու կմախքից փոքր ինչ հեռու, բացուեց մի քանի երկարագլուխ կմախքներ՝ ոսկորները անկանոն ձգուած, որոնց միջից գտնուեց միայն մի գեղեցիկ, բրոնզէ մեծ դաշոյն: Այս գերեզմանի թաւանուած լինելը հաստատուեց նաև նրանով, որ արեւմտեան կողմի պատի մէջ մի քար հանուած էր:

10. Նոյն շարքի երրորդ դամբանի տրամագիծն է 16,50 մետր. բարձրութիւնը՝ 2 մետր: Նոյնպէս շրջապատուած է մեծ մեծ քարերով և հողաթմբի մեծագոյն մասը հարթուած է: Գերեզմանը պատած է անտաշ քարերի չորս պատերով և ծածկուած էր չորս մեծ սալաքարերով: Երկարութիւնն է 7 մետր, լայնութիւնը 2 մետր և խորութիւնը 3 մետր:

Դժբախտաբար այս ահագին գերեզմանն էլ անեղծ չէր, այստեղ ևս բոլոր ոսկորները միմեանց խառնուած, ամանները փրշրուած էին: Գտնուեց մի կզաքիսի կմախք (№ 890), կոտրատուած երկարագլուխ դանդեր, բրոնզէ նետեր և դօտու բրոնզէ զարդարանքներ:

11. Նոյն վիճակին էր ենթարկուած նաև չորրորդ դամբանը, որ իւր մեծութեամբ և տեսքով միանգամայն նման էր առաջիններին: Այստեղ ևս բաւականաչափ, խառն ի խուռն թափուած մարդկային կմախքների հետ գտնուեց մի բրոնզէ կոճակ, մի ոսկորէ օղ, երկու բրոնզէ նետ և երկու պուլիկ:

12. Հինգերորդ դամբանը հիմնովին թաւանուած էր:

13. Այս շարքի վերջին, ամենամեծ դամբանից հազիւ 30 մետր դէպի հարաւ՝ առանձին գտնուում է մի համեմատաբար փոքր դամբան, որի տրամագիծն է 9 մետր, բարձրութիւնը 2 մետր: Գերեզմանը ուղղուած է հիւսիսից հարաւ, երկարութիւնն է 2 մետր, լայնութիւնը 1 մետր, և խորութիւնը 1,50 մետր:

Անտաշ քարերով չորս պատ էր քաշուած և երկու սալքարերով ծածկուած: Դերեղմանի մէջ հիւսիսից հարաւ, կողք կողքի և երեսները միմեանց դարձրած պարկած էին մի երկարագլուխ տըղամարդու և նոյնպիսի մի կնոջ կմախք: Տղամարդի մօտից դուրս եկան երկաթէ մի փոքրիկ դաշոյն և մի նիզակ (№ 56), իսկ կնոջ մօտից բրոնզէ մի ապարանջան, մի մախաթ, մի մատանի և ուլունքներ: Կմախքների սնարի և ոտների մօտ դրուած էին մի մի պուլիկ:

Մըթըպի ձորի դամբանների երկրորդ խումբը գտնուում է առաջին շարքից դէպի հիւսիս, մօտ 100 մետր հեռու: Այս խումբը բաղկացած է երեք շարքից, որոնք ձգւում են հիւսիսից հարաւ, և միմեանցից մօտ 15 մետր հեռու են: Իւրաքանչիւր շարքում եւ նկատեցի 6—7 դամբան: Դժբաղդաբար այս խմբի դամբաններն էլ անեղծ չեն, որովհետև սրանց քարերը եւ տաքուած են Նոր-Բայազէտ՝ շինութիւնների համար:

14—15. Այս խմբի առաջին շարքի մէջ ամենից ուշագրաւը վերջի, ամենահիւսիսային, դամբանն է: Այս դամբանի երկու կողքից, մօտաւորապէս 30 մետր հեռաւորութեամբ, արևելքից արևմուտք նկատելի են ցից-ցից կանգնեցրած հինաւուրց, մեծ քարերի մի մի շարք, որոնք ձգւում են մօտ մի կիլոմետր տարածութեամբ: Այս դամբանի տրամագիծը 30 մետր է, իսկ բարձրութիւնը՝ այժմ միայն 2 մետր, շուրջը եղել են մեծ-մեծ քարեր, որոնցից միայն մի քանիսն են այժմ մնացել: Բանուորներս պատմում էին, որ սրա հողակոյտը շատ բարձր է եղել, սակայն բար հանելու համար քանդել են, և այդ միջոցին գտել պուլիկներ, ուլունք, բրոնզէ իրեր: Թէպէտ և երևում էր, որ բաւականաչափ քանդուած էր, բայց որովհետև հողակոյտը այնուամենայնիւ դաշտի մակերևոյթից դեռ էլի երկու մետր բարձր էր, ուստի ենթադրեցի, որ գերեզմանը բացուած չի կարող լինել, և այս պատճառով էլ՝ խաչաձև կտրիկ տուրի Դժբաղդաբար 2,50 մետր խորութեան վրայ բացուեց սալատակ: Մեծ դժուարութեամբ կարողացանք այդ սալատակից մի քանի շերտ պրծըցնել, սակայն բաւական հաստ լինելով, չկարողացանք ծակել: Այս պատճառով հողակոյտի մեծ մեծ քարերով կաղմած շրջանից դուրս՝ մօտ 3 մետր հեռաւորութեամբ շարունակել տուրի խաչաձև կարուածքը, սակայն դարձեալ միևնոյն սալատակը բացուեց: Այս անգամ 25 մետր հեռու, դէպի արևելք գտնուող փոքրիկ դամբանը բանալ տուրի, որի մէջ նոյն սալատակին չպատահեցայ: Ո՛չ քաղաքում և ո՛չ մօտակայ գիւղերում չգտնելով վառօդով բար կոտորոշներ՝ եւ ամբողջ մի շաքաթուայ աշխատանքից յետ ստի-

պոլեցայ դադարեցնել աշխատանքներս՝ մանաւանդ որ բանուղներս պնդում էին, թէ այդ սալայատակը բնական է: Կարող էր գերեզմանը հէնց այդ հողակոյտի մէջ ամփոփուած լինել, սակայն այս դէպքում մենք պէտք է հանդիպէինք գերեզմանի պատերին, մանաւանդ որ բացի խաչաձև կտրուածքից, զանազան կողմերից դարձեալ փորեցինք: Ցանկալի էր, որ վառօդով կտորատուէր այդ սալայատակը՝ խնդիրը վերջնականապէս պարզելու համար: Արտաքին նշանները ոչ մի կասկած թոյլ չեն տալիս այդ հողակոյտը դամբան համարելու:

16. Այս դամբանից մի քիչ փոքր, մի ուրիշ դամբան գտնւում էր սրանից հարաւ, երկրորդ շարքի գրեթէ կենտրոնում, սակայն սրա հողակոյտը ոչ միայն ամբողջովին քանդուած էր, այլև դաշտի մակերևոյթից ցած էր իջած, այս պատճառով և ես ենթադրեցի, որ պեղուած է:

17. Սրա մօտի դամբանը իմ ուշադրութիւնը գրաւեց նրանով, որ թէպէտ հողակոյտը քանդուած էր և միայն կէս մետր բարձրութեամբ էր մնացել, սակայն սրա շուրջը պատած քարերը, որ մանր են և դեռ ևս հանուած չեն, ոչ թէ շրջանաձև են շարուած, այլ քառակուսի: Եւ որովհետև այս նշանը հազիւ է պատահում՝ ուստի ես պեղել տուի դամբանը: Կէս մետրաչափ պեղելուց յետոյ բացուեցան դամբանի պատերը, առանց մեծ սալքարերի: Միայն մի մեծ սալաքար ընկած էր մէջ տեղում, Գերեզմանը քառանկիւնի էր, հիւսիսից հարաւ ուղղուած, 6 մետր երկարութեան, 2,50 մետր լայնութեան և չորս մետր խորութեան: Պատերն անտաշ քարից էին շինուած և ուղղահայեաց էին, առանց հետզհետէ միմեանց մօտենալու: Ամբողջ գերեզմանը լրացուած էր հողով և մեծ ու փոքր քարերով: Դուրս եկան կոտրատուած պուլիկների, և մի քանի ոսկորների կտորներ և ուրիշ ոչինչ: Երևի հիմնովին պեղուած էր:

18—20. Միւս դամբաններից, որ համեմատաբար փոքր էին, պեղեցի երեքը: Սրանցից մինի տրամագիծն էր 10 մետր, բարձրութիւնը 1 մետր: Գերեզմանն ուղղուած էր հիւսիսից հարաւ, շրջապատուած չորս պատով ու ծածկուած երկու մեծ և մի փոքր սալքարով: Երկարութիւնն էր 2,50 մետր, լայնութիւնը 1 մետր: Եւ խորութիւնը 1,25 մետր: Գերեզմանի մէջ տեղում, հարաւից հիւսիս, մէջքի վրայ պարկած էր մի երկարագլուխ կմախք, որի գլխի մօտ պըպըզած էին մի մեծ և մի փոքր, մարդկային կըմախք, մօտերը մի կարկատած քասա և մի պուլիկ դրած:

Միւս երկու դամբանների կմախքները կոտրատուած և միմեանց վրայ ձգուած էին, պարզ է, որ բացուած էին:

Բ. Մալականի-դարի գլխի դամբանները.—21—23. Մըթըպի-ձորի արևմտեան կողմում, Նոր-Բայազէտի սահմանի Մալականի դարի-գլուխ կոչուած տեղում պեղեցի երեք դամբան, որոնք տեղաւորուած էին մի շարքով, հիւսիսից հարաւ Սրանցից երկուսն արդէն բացուած երևացին, իսկ միջինը բոլորովին անեղծ։ Սրատրամագիծը 5 մետր էր. բարձրութիւնը հազիւ կէս մետր։ Շուրջանակի պատած էր քարերով։ Գերեզմանի ուղղութիւնն էր արեւելից արևմուտք, ունէր անտաշ քարի չորս պատ և ծածկուած էր երեք սալ քարերով։ Երկարութիւնն էր 2,50 մետր, լայնութիւնը 1,50 մետր և խորութիւնը երկու մետր։ Գերեզմանը ամբողջապէս լցուած էր հողով և կաւային մի շերտով բաժանուած երկու մասի, վերին և ներքին։ Ներքին մասում միմեանց մօտ, կողք կողքի և երեսները միմեանց դարձրած հիւսիսից հարաւ պառկած էին երկարագլուխ մի տղամարդու և մի կնոջ կմախք։ Տղամարդու մօտից գտնուեց բրոնզէ մի դաշոյն, և մի գօտի, իսկ կնոջ մօտից բաւականաչափ ուլունքներ, բրոնզէ ապարանջան և մասանիններ, ինչպէս և մի մախաթ։

Գերեզմանի վերին մասում պըպըզած ձևով կային հինգ մարդկային, և մի դորշուկի կմախք, ինչպէս և մի ոչխարի գլուխ։ Պարզ է, որ գերեզմանի ներքին մասում պառկածները տէրերը, իսկ վերին մասում՝ նրանց ծառաներն ու կենդանիներն են հղած։

Գ. Աղբրի-ձորի-գլխի դամբաններ.—Դամբանների այս խումբը, որ գտնուում է Ղըշլաղ գիւղի արևելեան կողմը, միակ աղբրի ձորի գլխին, շատ մօտ է այն դամբաններին, որ ես պեղեցի 1905 թուին և որոնց մէջ նշանաւոր էր 30 մարդկային, 2 ձիու և այլ կմախքներ պարունակող դամբանը։

Դամբանների այս նեկրոպոլը բաղկացած է միայն հինգ դամբաններից, որոնք կուտակուած են միմեանց մօտ. մի դամբան էլ ընկած է սրանցից մօտ 20 մետր հեռու, դէպի արևելահարաւ։

24. Առաջին դամբանի տրամագիծն է 7 մետր. բարձրութիւնը կէս մետր. գերեզմանը ուղղուած է հիւսիսից հարաւ, պատած էր անտաշ քարերի չորս պատերով և ծածկուած սալքարերով։ Երկարութիւնն էր 3 մետր, լայնութիւնը և խորութիւնը մէկուկէսական մետր։

Գերեզմանի մէջ տեղում, հիւսիսից հարաւ պառկած էին երկարագլուխ մի տղամարդի և մի կնոջ կմախք, կողք կողքի և երեսները միմեանց դարձրած։ Տղամարդու մօտից գտնուեցին մի բրոնզէ դաշոյն (№ 40), մի քարէ լեւան, (№ 428) իսկ կնոջ մօ-

տից՝ բրոնզե հինգ ապարանջան, մի զոյգ օղ, երկու ֆիրուլ, և բաւականաչափ ուլունքներ: Երկու կմախքների կողքերին զբրուած էին մի-մի ոչխարի զլուխ և շարուած 32 փոքր և մեծ պուլիկներ: Արեւելեան և արեւմտեան պատերին կից կային հնագական, իսկ հիւսիսայինին չորս պլազզած կմախքներ: Հարաւային պատի մօտն էլ երեկեցաւ մի երեխայի կմախք՝ նոյնպէս պլազզած և առջևում մի կաւէ ճրագ դրուած (№ 891):

25. Բ. Դամբանի տրամագիծն է 6 մետր, բարձրութիւնը կէս մետր: Գերեզմանի երկարութիւնն է 2,10 մետր, լայնութիւնը 1 մետր և խորութիւնը 1,20 մետր: Գերեզմանն ուղղուած է հիւսիսից հարաւ, պատած անտաշ քարերի չորս պատերով և ծածկուած էր 3 սալքարով:

Գերեզմանի մէջ տեղում, հիւսիսից հարաւ պառկած էին կողք կողքի, երեսները միմեանց դարձրած մի տղամարդու և մի կնոջ կմախք: Տղամարդու գանգին կար բրոնզէ մի վարսակալ, (№ 113) Թևերին 9 և ոտներին 2 բրոնզէ ապարանջան: Կնոջ աջ ձեռնի կար 3 բրոնզէ ապարանջան, և ծղիկի երկարութեամբ ձգւում էր մի բրոնզէ շղթայ, որի մէջ տեղից կախուած էր դարձեալ բրոնզէ մի բազանման պանդըլով (№ 535): Մէջքին կար մի բրոնզէ գօտի (№ 129), Ձախ ձեռի ծղիկի վրայ ևս կար բրոնզէ նոյնպիսի շղթայ, սակայն առանց պանդըլովի: Կրծքի վրայ մի գեղեցիկ ֆիրուլ (№ 102), և ականջին մի խիռնջէ օղ (№ 117): Այս կնոջ կմախքի մօտ կային երկու երեխաների կմախքներ, որոնցից մինի ծնօտներին դեռ ևս ատամներ չէին դուրս եկել: Միւս երեխայի վզին կար բրոնզէ մանեակ (№ 485): Այս երեխաների ոտների մօտ դրուած էր մի կաւէ ճրագ և մի պուլիկ. կմախքների շուրջը դրուած էին 7 պուլիկ և մի քասա: Այս կմախքների երեսին 10 սանտրիմետր հաստութեամբ կաւ էր քաշած, որի վրայ անկանոն կերպով ընկած էին հինգ երկարագլուխ գանգ և սրանց կմախքները: Կմախքներից մէկը ընկած էր ուղիղ գանգի վրայ, ոտները վերև ցցուած և կոտրատուած: Այս կմախքների մօտից գտնուեց մի եղջիւրէ հերոն (№ 29):

26. Գ. դամբանի տրամագիծն էր 12 մետր, բարձրութիւնը կէս մետր. գերեզմանը ուղղուած էր ոչ թէ մնացած չորսի պէս հիւսիսից հարաւ, այլ արեւելից արեւմուտք, երեւի տեղի անյարմարութեան պատճառով, որովհետեւ այս հինգ դամբանը ոչ թէ մի շարքով էին տեղաւորուած, այլ գրեթէ շրջանաձև: Գերեզմանի երկարութիւնն էր 2,50 մետր, լայնութիւնը 1 մետր և խորութիւնը մէկուկէս մետր:

Այս գերեզմանը բաժանուած էր երկու յարկի 10 սանտրի-

մետր հաստութեան հողի շերտով: Ներքին յարկում, հիւսիսից հարաւ, ձախ կողքի վրայ, երեսը դէպի արեւմուտք դարձրած պառկած էր մի երկարագլուխ կանացի կմախք (№ 571), որի աւանջի մօտ կար մի դեղեցիկ, բրոնզէ օղ (№ 588), և թևին՝ բրոնզէ մի ապարանջան: Այս կնոջ հարաւային կողմում պառկած էր մի երեխայի կմախք (№ 570), Վերին յարկում, գերեզմանի գրեթէ կենտրոնում պաղած էին երկու երկարագլուխ կմախքներ, երեսները դէպի արեւմուտք դարձրած: Օրանցից մինի մօտից գտնուեց բրոնզէ մի բաղանման պանդըլոկ (№ 525) և 10 կաւէ ամաններ, ինչպէս նաև մի ոչխարի գլուխ (№ 13): Այս կմախքների հարաւային կողմում էլ կար մի պղպղղած երեխայի կրմախք, մօտը երկու կաւէ աման, որոնցից մինը միանգամայն նրման է այժմեան կաթնամանին:

Այս կմախքներից փոքր ինչ հեռու, գերեզմանի արեւմտեան անկիւնում պղպղղած էին երկու ուրիշ երկարագլուխ կմաքներ, որոնցից մինի մօտ գտնուեց մի երկաթէ նիզակ (№ 50):

27. Դ. դամբանի տրամագիծն էր 6 մետր, բարձրութիւնը կէս մետր: Գերեզմանը, որ ուղղուած էր հիւսիսից հարաւ և պատած անտաշ քարերի չորս պատով, ծածկուած էր 3 մեծ սալքարերով, երկարութիւնն էր 2,10 մետր, լայնութիւնը 1,10 մետր և խորութիւնը 1 մետր:

Այս գերեզմանի հիւսիսային կողմը, մօտ մի մետրաչափ տարածութեան վրայ բացուեց մի փայտէ արդէն փթած դագաղ՝ մէջը մի երեխայի կմախք, արեւմուտքից արեւելք պառկեցրած: Պարզ էր, որ այս կռապաշտական դամբանի մէջ քրիստոնէութեան միջոցին ուրիշ ննջեցեալ էր թաղուած: Դագաղի շուրջը, առաւելապէս գերեզմանի անկիւններում և պատերին կից՝ անկանոն կերպով ձգուած էին երկարագլուխ դանդիր և կմախքի կոտրատուած ոսկորներ, որոնցից մի քանիսը, սակայն, մնացել էին իրենց նախկին, պղպղղած դրութեամբ: Այս ոսկորների միջից գտնուեց բրոնզէ մի դաշոյն, երկու մեծ և երկու երեխայի ապարանջան, երկու ֆիբուլ (№ № 481 և 104), մի մատանի, և մի դեղեցիկ, քարէ աւանջի գինդ (№ 889): Դագաղի շուրջն անեղծ մընացել էին կաւէ 5 աման:

Գերեզմանի հարաւային մասը՝ երկու սալերի տակ մնացել էր անձեռնմխելի, և այս տեղ պառկած էին հիւսիսից հարաւ, երեսները միմեանց դարձրած մի տղամարդու և մի կնոջ կմախք. իսկ վերջինիս մօտ՝ երկու երեխաների կմախքներ՝ պղպղղած ձևով, ոտների մօտ մի կաւէ ճրագ (№ 892) և մի պուլիկ դրուած, Տղամարդի մօտ գտնուեց մի գորշուկի կմախք (№ 893), մի դա-

ւազանի բրոնզէ գլուխ (№ 434), դաշոյնի պատեան, բրոնզէ մի զոյգ ապարանջան և բաւականաչափ ուլունք:

28. Հինգերորդ կամ վերջին դամբանի տրամագիծն էր 6 մետր, բարձրութիւնը կէս մետր. գերեզմանը միկնոյն ձևի էր, հիւսիսից հարաւ, անտաշ քարերով չորս պատ քաշած և 3 մեծ սալերով ծածկուած: Երկարութիւնն էր 2 մետր, լայնութիւնը 0,90 մետր և խորութիւնը 1 մետր: Շուրջանակի պատած էր մանր քարերով:

Գերեզմանի մէջ տեղում, հիւսիսից հարաւ, աջ կողքին պառկած էր մի երկարագլուխ մարդու կմախք, (№ 563) որի գոտկատեղից գտնուեց մի կանթով, խաչաձև կտրուած բրոնզէ շրջանակ և մի քարէ սրոց (№ 427), ծղիկի վրայից բրոնզէ խողովակ և ութը ապարանջան, բրոնզէ մի գաւազանի կոթ և մի դաշոյնի պատեան: Առջևում շարուած էին երեք պուլիկ և երկու քասա:

Այս պարկած կմախքից փոքր ինչ հեռու, հիւսիս արևելեան անկիւնում, կար մի կնոջ և մի երեխայի պղպղղած կմախք, մի բրոնզէ ապարանջանով, իսկ հիւսիս արևմտեան անկիւնում միայն մի պղպղղած երեխայի կմախք, երեք բրոնզէ ապարանջաններով և առջևում մի կաւէ ճրագ:

Պարկած կմախքի առջև, մասամբ կաւէ ամանների վրայ, մասամբ էլ արևելեան պատին կից, գլխի վայր ընկած կային չորս երկարագլուխ կմախքներ, գանգերը ներքևում, իսկ ոտները վերև ցցուած: Այս կմախքներից միւնի վզին գտնուեց մի բրոնզէ մանեակ (№ 109), մէջքին բրոնզէ մի կոտրատուած, նեղ գօտի, երկու հատ կանթաւոր և խաչաձև կտրուած բրոնզէ շրջանակ և ծղիկի վրայ նոյնպէս բրոնզէ երկու ապարանջան և երկու խողովակ: Միւս կմախքի մօտից ոտի բրոնզէ մի ապարանջան:

Գերեզմանի հարաւ արևմտեան անկիւնում էլ հրեաց տաւարի ոսկորներ, որոնց վրայ գլխի վայր ընկած երկու կմախք: Վերջիններս ունէին բրոնզէ մի-մի գօտի (№ 128), մինը բրոնզէ մանեակ (№ 190), իսկ միւսը՝ մի նոյնպիսի ապարանջան:

Պարելի է ենթադրել՝ որ պարկած կմախքը գերեզմանի տէրն է, մի իշխանաւոր անձնաւորութիւն, հիւսիս արևելեան և հիւսիս արևմտեան անկիւններում պղպղղածները՝ նրա կիներն ու երեխաները, միւս գլխի վայր ընկած վեց կմախքները՝ նրա սիրելիները կամ ծառաները:

28. Այս խմբից հազիւ քսան մետր հեռու գտնուող վեցերորդ դամբանի տրամագիծն էր 7 մետր, բարձրութիւնը 0,40 մետր: Սա ևս շուջանակի պատած է քարերով: Գերեզմանը ուղղուած է հարաւ-արևելքից հիւսիս արևմուտք. անտաշ քարով չորս

պատեր են քաշուած, որոնք հետզհետէ մօտենում էին միմեանց և կրում էին իրենց վրայ 4 սալքարեր: Գերեզմանի երկարութիւնն է 2 մետր, լայնութիւնը 1,20 մետր, խորութիւնը 1 մետր:

Գերեզմանի մէջ տեղում, հիւսիսից հարաւ, ձախ կողքի վրայ պառկած էր մի կմախք, ձեռքերը կրծքին ուղիղ դրած, ոտները կռացրած: Սրա կմախքը ամբողջովին վերցրի (№ 1): Սրա բերնի հանդէպ դրուած էր գառան մի ծնոտ և մի քանի ոսկորներ, ոտների մօտ տաւարի երկու ող: Պարզ է, որ կամ աղքատութիւնից ստիպուած և կամ ուրիշ պատճառներով այս կերակրները կաւէ ամաններով չէին դրուել: Այս պառկած կմախքի յետևում, այն է գերեզմանի արևմտեան կողմում, խառնի խուռն, գլխները ներքև և մարմինը վերև ընկած էին երկու երեխայի և մի կնոջ կմախքներ: Երեխաների գանգերը ջարդուած էին, իսկ ծնոտները ամբողջ, Կնոջ գանգը (№ 461) ամբողջ էր մնացած: Գերեզմանում ճշ մի պուլիկ կամ իր չգտնուեց:

Գ. Չայիրներում, Սաբէի-աղբիւրում եւ Չոպան-Վալիում կատարածս պեղումները: Ղըշկեցիների արտերի մէջ ցրուած բազմաթիւ դամբաններից շատ շատերի հողաթմբերն արդէն հարթուած են, քարերը տարուած և տեղը ցանուած: Բաւականաչափ մեծերը միայն կարողացել են ընդգիծադրել գութանի հարուածներին, սակայն բոլորովին անեղծ չեն մնացել:

30—57. Ցանկանալով այսպիսի դամբանների մէջ դեռ ևս մնացած հնադիտական իրերը գոնէ ազատել վերջնական կորուստից, ես Չայիրներում, Սաբէի-աղբիւրի ծորում եւ Չոպան-Վալիի հովտում պեղել տուի 28 դամբան: Սրանք բոլորն էլ պատկանում էին բրոնզի դարին: Անեղծ մնացած կմախքները պըպըգած ձևով էին դրուած: Պատահում էին նաև հիւսիսից հարաւ պառկածներ: Գերեզմաններից շատերի ուղղութիւնը հիւսիսից հարաւ էր, պատահում էին նաև արևելքից արևմուտք: Գտնուած իրերից ամենից ուշագրաւը մի բրոնզէ հաստ մատանի է, որի վրայ կայ մի ուռուցիկ պատկեր (№ 140): Այն դամբանը, որից դուրս եկաւ այս նշանաւոր մատանին, շատ մեծ էր, արևելքից արևմուտք ուղղուած, և չորս մեծ սալքարերով պատած: Սալքարերի միջև եղած բացուածքով մտել էին և ամեն ինչ տարել, մնացել էր միայն այդ մատանին և կոտրատուած գանգեր, ոսկորներ ու ամաններ: Միւս իրերից յիշատակութեան արժանի են՝ երկու երկաթէ դաշոյն (№ № 61 և 62) և մի բրոնզէ մախաթ (№ 403):

Ատիտամանի կամ Ղարանլուղի «Ջոջ Կոլոն».—Յուլիսի 9-ին Ղըշկաղից ես գնացի Ղարանլուղ գիւղը յատկապէս պեղելու «Ջոջ Կո-

լոնը», որ 1906 թ. նկատել էի, սակայն մեծութեան պատճառով չէի կարողացել պեղել:

58. Այս դամբանը գտնուում է Նոր-Բայազէտ գիւղից 32 կիլոմետր դէպի հարաւ արեւելք, Ատիեհաման և Ղարանլըղ՝ կամ Նախկին Կոթ ու Մեծ Կոնուտ գիւղերի սահմանագլխում կամ մէջ տեղում, իւրաքանչիւրից մէկուկէս, իսկ ծովից մօտ մի կիլոմետր հեռու: Դամբանը կըրոր է, 49,5 մետր տրամագծով, բարձրութիւնը այժմ՝ 3 մետր է: Դամբանը անեղծ չէր մնացել. տասն տարուց ի վեր առաւելապէս Ղարանլըղցիները մեծ քանակութեամբ քարեր են հանել տարել այս-ոնղից: Գիւղական դպրոցի շէնքի կառուցանողն ասում էր՝ թէ ինքը առնուազը 1000 սայլ քար տարած կը լինի այստեղից դպրոցի շէնքի վրայ գործածելու: Մերոնիների ասելով՝ իրենց այս երկիրն եկած ժամանակ այս դամբանը դարձեալ հողով ծածկուած չէր, այլ քարերի մի մեծ կարկառ էր ներկայացնում, գագաթը տեղ-տեղ խոր ընկած, տեղ տեղ էլ՝ բարձրացած: Այժմ էլ նոյն քարերի կարկառն է, միայն աւելի տձևացած, որովհետև զրեթէ բոլոր կողմերից քարեր են հանել տարել և փոսեր գոյացրել: Շուրջը մեծ-մեծ քարերով չէ պատած և ծերունիներն էլ ասում են, թէ իրենք այդպիսի քարեր չեն տեսել: Պեղումներից երևաց, որ մօտ 3 մետր ծածկուած է լճի, գետի և շրջակայ լեռների քարերով, միմեանց վերայ անկանոն կերպով ածած, առանց հողային շերտի: Յետոյ բացւում է երկրի մակերևոյթը՝ մօտ մի մետր հաստութեան սևահողով, որին յաջորդում է աւաղի շերտը:

Միջոցների սղութեան և մասամբ բանուորներ քիչ լինելու պատճառով ես սկսեցի 2 մետր լայնութեամբ կտրել դամբանը արևմուտքից դէպի արեւելք: Հինգ մետր խորութեան մէջ շուրջուրս եկաւ Ենթադրելով՝ որ լճի մակերևոյթն այժմ բարձրացած լինելով՝ գերեզմանը կարող է ջրի տակ անցած լինել՝ մի մետրաչափ էլ ջրի մէջ փորել տուի: Երբ հասանք դամբանի մէջ տեղին՝ 3 մետր խորութեան մէջ բացուեցան երեք սալքարեր, անկանոն կերպով ձգուած, որոնցից վերջինը մեր կտրած շերտից դէպի հիւսիս էր ուղղուած. ուստի սկսեցինք հիւսիսային կողմը կտրել: Երբ հասանք նոյն խորութեան, 3 մետր երկարութեամբ և նոյնչափ լայնութեամբ, բացուեց հողային շերտ, որի միջից գտնուեց մի քարէ մեծ ուլունք, և ոսկորների մանրունք: Բանուորներից մինը՝ որ հէնց այս տեղը ինքը փորել էր մեծ քարեր հանելու նպատակով, ասաց թէ ինքը հանելիս գտել է մի բրոնզէ ապարանջան և մի փոքրիկ պուլիկ:

Մօտ մի մետրաչափ ևս այդ սևահողը փորելուց յետոյ՝ բա-

ցուեցան չորս շարք սալքարեր, միմեանց վրայ այնպէս դրուած՝ որ հետզհետէ միանալով՝ թաղ էին կապում: Իսկոյն հասկացանք, որ մեր առաջին անգամ դառած երեք սալքարերը, որ սրանցից մի քիչ հեռու էին ընկած, այստեղ բացուող գերեզմանի երեսի քարերն էին, որոնք հանգչելիս են եղել թաղ կազմող այս չորս շարք, քառանկիւնաձև շարուած սալքարերի վրայ: Շարունակեցինք պեղել. դուրս եկաւ բարակ, գրեթէ մաղուած հող, միայն տիղմ դարձած: Այս տիղմը մի մետր խորութեամբ, 2,30 մետր լայնութեամբ և նոյնքան երկարութեամբ մաքրելուց յետոյ բացուեց մի երկարազլուխ կմախք, մէջքի վրայ պառկած, հարաւից հիւսիս: Գլուխը ջարդուած էր և ստորին ծնոտը մի կողմ ձգուած: Ձախ կողքին մի սալքար էր ընկած, երբ վերցրինք՝ կմախքի ձախ ձեռքում դառանք մի բրոնզէ գեղեցիկ տապար (№ 436), կողքին երկու ջարդուած պուլիկ: Հանուած տիղմը չորացնելուց յետոյ լաւ քննեցինք և միջից միայն մի քանի ուլունք գտանք:

59—66. Այս դամբանի պեղման ընթացքում, սրա մօտ, Աղի-եաման գիւղի շրջաքայքում պեղեցի եօթ դամբան, որոնք առանձին նկարագրութեան արժանի չեն:

Օրդակլուի պեղումները.— Հոկտեմբերի 3—5 եւ պեղումներ կատարեցի Օրդակլուում, որ գետեղուած է Սեւնայ լճի արևմտեան ափին, Նոր-Բայազէտից 13 կիլ. հեռու: Ինչպէս յայտնի է, այս գիւղում, լճի անմիջապէս ափին, կայ մի սեպածև արձանագրութիւն, ուր ասուած է, որ Արգիշտի, Բիանա երկրի թագաւորը, որ ապրում է Տուշպա քաղաքում, նուաճեց Կիւհնունի երկիրը և Իշտուկունի¹⁾ քաղաքը: Շատ հաւանական է, որ Կիւհնունի երկիր կոչուած էր ոչ միայն այն լճափնեայ շրջանը, որ այժմ սահմանափակում է մի կողմից Ելենովկա գիւղով, միւսից Օրդակլուով, այլև լճի հիւսիսային մասը, ուր այժմ գտնուում է Զիբուխլու գիւղը: Ցաւելով պիտի ասեմ, որ այս արձանագրութիւնը կրող քարի կողքին եղել է նաև մի ուրիշ քար՝ դարձեալ արձանագրութիւնով ծածկուած: 1860-ական թուերին այս գիւղացիներից մինը կոտրել է այդ քարը և տարել զուռ շինել, փոսացնելով հէնց արձանագրութիւնը կրող մասը: Ես տեսայ այս գուռը, որ այժմ էլ ընկած է այդ տան գոմում, և նկատեցի գուռի եզրերին սեպածև արձանագրութեան մնացորդներ: Ահա այսպէս են վարուել և՛ վարում մեր գիւղացիները հնագիտական յիշատակարանների հետ... Ես դեռ չեմ ուզում թուել այն ահագին ֆւասը՝ որ պատճառել են նրանք՝ պատահմամբ և կամ գանձ գտնելու տենչով գերեզմաններ պեղելիս: Բրոնզի դարի դամբաններով շատ հարուստ է Օրդակլուն,

1) Իշտուկունի գիւղը հաւանօրէն գտնուել է Օրդակլուի շրջակայքում. Նիկոլսկի.

մանաւանդ նրա հարաւ—արեւելեան կողմը, մօտ կէս կիլոմետր հեռու Քոնքր կոչուած քարքարոտ բլուրը, որ լճափից հազիւ 50 մետր հեռու լինի: Այս ընդարձակ և սաստիկ քարքարոտ բլուրի վրայ կան բազմաթիւ դամբաններ, 2—6 մետր տրամագծով, բայց ոչ աւելի մեծ. սրանցից մի քանի տասնեակ բացել են գիւղացիները՝ երբ կամեցել են սրանց վրայ եղած սալքարերը տանել՝ գործածելու և կամ երբ կարծել են, թէ գանձ կարող է թաքնուած լինել նրանց մէջ: Ոչ սակաւ դամբաններ կան նաև գիւղի հարաւային կողմում:

67—73. Քոնքրում եւս պեղեցի տասը դամբան. սրանք բոլորն էլ գետնի մակերևոյթից հազիւ 20—30 սանտիմետր բարձր լինէին, և շուրջանակի պատած էին քարերով, որոնց տրամագիծը հասնում էր 3—7 մետրի: Գրեթէ բոլորն էլ ծածկուած էին երեքական մեծ սալքարերով: Գերեզմանները քառանկիւնի էին, ուղղուած հիւսիսից հարաւ և պատած անտաշ, մեծ և փոքր քարերով: Սրանց երկարութիւնը հասնում էր 1,50—2,32 մետրի, լայնութիւնը՝ 1—1,50 մետրի և խորութիւնը՝ 0,70—1,30 մետրի: Մարդկային կմախքները մեծ մասամբ պըպըզած ձևով էին, իսկ միջանիսը հիւսիսից հարաւ պառկած, աջ կողքի վրայ: Գտնուած իրերը բրոնզէ էին, միայն մինից դուրս եկաւ բոլորովին փթած երկաթէ մի նիզակ: Այս տասը դամբաններից առանձնապէս ուշագրաւ են հետեւեալ երեքը:

74. Երկրորդ դամբանի տրամագիծն էր 4,25 մետր, բարձրութիւնը 25 սանտիմետր: Շուրջանակի պատած էր փոքր քարերով, և մէջ տեղում երևում էին սալքարերը: Գերեզմանն ուղղուած էր հիւսիսից հարաւ, քառանկիւնի էր և պատած անտաշ քարերով: Երկարութիւնն էր 1,90, լայնութիւնը 1,30 և խորութիւնը՝ 1,10 մետր:

Պեղեցիքը հարաւային կողմից, 80 սանտիմետր խորութեան փորելուց յետոյ՝ պատահեցանք 30 սանտիմետր հաստութեան կրի, որը կտրելուց յետ՝ հանեցինք մի քանի մանր և մի մեծ քար, որով և բացուեց գերեզմանի բերանը: Գերեզմանը 30 սանտիմետրաչափ դատարկ էր, ջնացածը լցուած մաքուր, շիկագոյն հողով: Գրեթէ մէջ տեղում, հիւսիսից հարաւ, միմեանց մօտ և երեսները միմեանց դարձրած պառկած էին մի տղամարդու և մի կնոջ կմախք, որոնց գանգերի (№№ 577 և 586) միջև դրուած էր մի գառան գլուխ և փոքր ինչ ներքև՝ մի պուլիկ: Տղամարդու մօտ դրուած էր մի բրոնզէ քամանդ (№ 431) և մի բրոնզէ նիզակ, իսկ կնոջ մօտ մի խխուշէ մեծ գինտ և մի պուլիկ՝ մէջը 5 հատ բադանման պանտրլոկներ՝ (№ № 529, 531, 533, 534, 536),

75. Չորրորդ դամբանի տրամագիծն էր 3 մետր, բարձրութիւնը 0,20 մետր, շուրջանակի նոյնպէս պատած էր մանր քարերով: Կէս մետրաչափ փորելուց յետոյ բացուեց գերեզմանը, հիւսիսից հարաւ ուղղուած և սալքարով ծածկուած: Սա քառանկիւնի ձև ունէր և պատած էր անտաշ քարով: Երկարութիւնն էր 1, լայնութիւնը 0,90, և խորութիւնը՝ 0,68 մետր: Գերեզմանի գրեթէ մէջ տեղում բացուեց մի երեխայի կմախք՝ պըպըզած ձեւով, աջ ձեռին մի բրոնզէ ապարանջան և զանգի մօտ մի փոքրիկ արտասուաց սրուակ (№ 54), առջևում դրուած էր մի դառն կմախք, իսկ կողքերին՝ մի քսաս և երկու պուլիկ:

76. Հինգերորդ դամբանի տրամագիծն էր 6,90, բարձրութիւնը 0,30 մետր. շուրջանակի պատած էր քարերով: 0,70 մետր փորելուց յետոյ բացուեց գերեզմանը՝ դարձեալ հիւսիսից հարաւ ուղղուած և երեք սալքարով ծածկուած: Երկարութիւնն էր 2,15 լայնութիւնը՝ 1,50, խորութիւնը 1,25 մետր: Գերեզմանի մէջ տեղում հիւսիսից հարաւ, աջ կողքի վրայ պառկած էր մի տղամարդու կմախք, առջևում մի պուլիկ: Ոտներէ մօտ պըպըզած դիրքով կար մի կնոջ (զանգը № 578) և մի երեխայի կմախք, իսկ վերջինիս մօտ մի դառն գլուխ և մի պուլիկ: Հիւսիս-արևմտեան անկիւնումն էլ մի տղամարդու կմախք կար՝ պըպըզած դրութեամբ:

Միւս գերեզմաններից դուրս եկան բրոնզէ դաշոյն, ապարանջաններ, և բոժոժներ՝ միանգամայն նման այն բոժոժների, որ այսօր շուշեցի հայ կանայք կրում են իրենց թևերին:

Հոկտեմբերի 6-ին ես անցայ Նոր-Բայազէտ քաղաքը, ուր մնալով մինչև ամսի 16-ը պեղումներ կատարեցի Փաշաքանդի և քաղաքի շրջակայքում:

Փաշաքանդը գտնուում է քաղաքի հարաւ-արևմտեան կողմը, հազիւ 2 կիլոմետր հեռու: Մրա հիւսիսային կողմում, մի բլրակի վրայ երևում են մի հինաւուրց ամրոցի հիմնապատեր. գիւղի մէջն էլ կայ հայկական հազարամեայ մի եկեղեցի, որ այժմ վերանորոգուած է:

77—108. Այս գիւղի արևմտեան կողմում, մինչև Քեօսա-Մահմատ գիւղը գտնուում են բաւականչափ դամբաններ՝ շարի շար, իւրաքանչիւր շարքում կան 3—15 դամբան, ուղիղ գծով, մեծ մասամբ հիւսիսից հարաւ, և երբեմն արեւելքից արևմուտք դասաւորուած: Այստեղ ես պեղեցի 15 դամբան, բոլորն էլ վերաբերում էին բրոնզի դարի վերջին. կմախքները բոլորն էլ երկարապուլս էին, մեծ մասամբ հիւսիսից հարաւ պառկած, կային և պըպըզած դրութեամբ: Գտնուած բոլոր իրերը բրոնզէ էին և

միայն մի դաշոյն՝ երկաթէ՝ բրոնզէ երախակալով: Այս դամբան-ներէց առանձնապէս ուշագրաւ են հետեւեալները.

109. Առաջին դամբանը գտնուում է դաշտի այն մասում, որ այժմ յայտնի է Ազընոց անունով, որովհետեւ հողը աւաղային է: Այս դամբանի տրամագիծն էր 6,40, բարձրութիւնը 1,50 մետր: Շրջապատուած էր միջակ մեծութեան քարերով և ծածկուած մի մեծ սալքարով: Գերեզմանն ուղղուած էր հիւսիսից հարաւ, և պատած անտաշ քարերով. երկարութիւնն էր՝ 1,18 մետր, լայնութիւնը՝ 0,85 մետր, իսկ խորութիւնը 1,40 մետր. հետեւապէս և եթէ հաշուելու լինինք դամբանի գագաթից մինչև գերեզմանի յատակը, կստանանք $1,50 + 1,40 = 2,90$ մետր:

Գերեզմանի երեսին նախ երևացին տաւարի ոսկորներ, ապա բացուեց մի երկարագլուխ կմախք՝ (№ 556) հիւսիսից հարաւ պառկած, աջ կողքի վրայ, գլխի տակ մի քար: Սրա գանգի վըրայից դուրս եկաւ մի բրոնզէ շղթայ (№ 101), եռանկիւնի և դանգականման զարդարանքներով, որինմանը դեռ այժմ էլ գործ են ածում շուշեցի հայ կանայք: Կմախքի աջ ձեռին էլ կար մի բրոնզէ ապարանջան. կողքին դրուած էր մի պուլիկ և մի քասա: Այս կմախքի սնարի մօտ և արևմտեան կողմում պըպըգած էին մի մի երկարագլուխ կմախքներ, որոնցից առաջինի մօտ գտնուեց մի բրոնզէ դանակ (№ 35), սրա ձեռին կար մի բրոնզէ ապարանջան, և կրծքին մի նոյնպիսի ֆիբուլ:

Գերեզմանից բարձր, նրա արևելեան կողմում, միայն դամբանի շրջանակի մէջ բացուեց նաև մի ուրիշ երկարագլուխ կմախք՝ որի մօտ դրուած էր 4 բրոնզէ ապարանջան, մի բրոնզէ ծալծալած քամար (№ 130), և մի բրոնզէ մախաթ (№ 401):

110. Երկրորդ դամբանը ուշագրաւ է նրանով, որ երկու գերեզման էր ներփակում: Սրա տրամագիծը տասն մետր էր, բարձրութիւնը կէս մետր: Շուրջանակի պատած էր քարերով: Կէս մետր փորելուց յետ բացուեց երկու սալքար, որոնց վերջնելուց և մի մետր խորութեան, երկու մետր երկարութեան և մի մետր լայնութեան փորելուց յետ՝ բացուեց մի երկարագլուխ կմախք՝ (№ 555) հիւսիսից հարաւ, աջ կողքի վրայ պառկած, կողքին մի բրոնզէ նետ. երեքի զոհել են սրան նոյն գերեզմանում մի մետր աւելի խոր թաղուած, ննջեցեալին: Վերոյիշեալ կմախքի վրայ գտնուեց միայն մի բրոնզէ ապարանջան: Ինչպէս ասացի, մի մետրահաս փորելուց յետոյ, նոյն, անտաշ քարերով պատած գերեզմանում բացինք մի ուրիշ երկարագլուխ կմախք, նոյնպէս հիւսիսից հարաւ, աջ կողքի վրայ պարկած և երեսի հանդէպ մի պուլիկ դրուած:

111. Երրորդ դամբանը ուշագրաւ էր նրանով, որ ըստ երևութին, դարձեալ երկու գերեզման էր ներկայացնում, միայն ոչ թէ մինը միւսի վրայ, այլ միմեանց կողքի: Սրա տրամագիծն էր 9,50 մետր, բարձրութիւնը՝ 1,50 մետր: Շրջապատուած էր մեծ մեծ քարերով: Գերեզմանը շատ երկար էր, 3,25 մետր, հիւսիսից հարաւ ուղղուած, 1,60 մետր լայնութեան և 1,80 մետր խորութեան: Պատած էր անտաշ քարի չորս պատերով և ծածկուած երեք սալքարերով: Գերեզմանի հարաւային մասում, հիւսիսից հարաւ, ալ կողքի վրայ պարկած էր մի երկարագլուխ կմախք, դարդարուած բրոնզէ մի գօտիով (№ 136), երկու քաղանքման պանդրեղներով (№ № 541 և 524) մի լայն, նոյնպէս բրոնզէ դաշոյնով (№ 49): Մատին կար մի բրոնզէ մատանի և թևին՝ երկու բրոնզէ ապարանջան: Մօտը դրուած էր մի պուլիկ: Այս կմախքի ոտների մօտ, երկու կողքին, պըպըգած դրութեամբ կային մի-մի կմախք. նրանցից արևելեան կողմինի վրայ գտնուեց մի բրոնզէ ապարանջան, մօտն էլ երկու պուլիկ: Արևմտեան կողմի կմախքի վրայ գտնուեց մի բրոնզէ ապարանջան, մի նոյնպիսի մատանի և մի ասեղ: Սրա մօտ, որ ըստ երևոյթին, կնոջ կմախք էր՝ պառկած էր մի երեխայի կմախք, վզին մի մանեակ, թևին մի ապարանջան և մէջքին մի գօտի, բոլորն էլ բրոնզից:

Գերեզմանի հիւսիսային կողմում, հետեապէս և առաջին պառկած կմախքի սնարի մօտ պառկած էր նոյնպէս հիւսիսից հարաւ, ալ կողքի վրայ մի երկարագլուխ կմախք, մէջքի մօտ մի երկաթէ դաշոյն, բրոնզէ երախակալով: Մօտն էլ մի քասա, որ կոտրուած էր:

112. Զորրորդ դամբանը գտնուում է այն նեկրոպոլում, որ Աւղընոցից աւելի հարաւ է, մօտաւորապէս հարիւր մետր, և յայտնի է Փաշօղլի անուամբ: Սրանք համեմատաբար աւելի մեծ են թէ տրամագիծով և թէ բարձրութեամբ: Սրանք ևս մեծ մասամբ պարունակում են հիւսիսից հարաւ պառկած մի մի կմախք, մի քանի բրոնզէ իրերով և պուլիկներով, միայն մինը տարբերուում էր: Սրա տրամագիծը 16 մետր էր, բարձրութիւնը 1,50 մետր: Շրջապատուած էր մեծ-մեծ քարերով: Գերեզմանը ուղղուած էր արևելքից արևմուտք, պատած էր անտաշ քարերի չորս պատերով և ծածկուած երեք մեծ սալքարերով: Երկարութիւնն էր երկու, լայնութիւնը 1,50 և խորութիւնը 1,80 մետր:

Սրա մէջ տեղը, արևմուտքից արևելք, մէջքի վրայ, պառկած էր մի կմախք, որի մօտ ոչ մի իր չգտնուեց: Գերեզմանի երկու ծայրերին միմեանց վրայ կիտուած էին՝ արևելեանում՝ ութը,

արևմտեանում վեց դանգ, առանց կմախքների, և նոյնիսկ առանց ծնոտների: Պարզ է, որ կռապաշտական այս դամբանի մէջ բրիտտոնեայ ննջեցեալ էր թաղուած, իսկ հին կմախքների դանգերը կուտակուած էին անկիւններում:

Մնացած բոլոր դամբանների մէջ բացուեցան մի-մի կմախք, հիւսիսից հարաւ, աջ կողքի վրայ պարկած, կողքերին մի քանի պուլիկ: Այսպիսի դամբաններից գտնուեցան դաշոյններ, գօտիներ, ապարանջաններ և բազմաթիւ մատանիներ:

113—122. Միևնոյն ձևի դամբաններ էին նաև այն 10 դամբանները, որ ես պեղեցի քաղաքի հարաւ-արևելեան կողմում, «Մալականի դարի զլուխ» կոչուած տեղում, որ ընկնում է քաղաքի և Ղուլալի գիւղի միջև: Այս տասը դամբաններից միայն մինը տարբերուած էր: Սրա տրամագիծն էր 7 մետր, գետնին միանգամայն հաւասար էր և շրջապատի բարերից շատերը չկային: Գերեզմանը, որ շատ շուտով բացուեց, ծածկուած էր երեք մեծ սալքարերով և ուղղուած էր արևելքից արևմուտք: Պատած էր անտաշ քարի չորս պատերով: Նրկարութիւնն էր 2,50 մետր, լայնութիւնը 1,50 մետր և խորութիւնը 1,60 մետր: Գերեզմանի մէջ տեղում, արևելքից արևմուտք պարկած էր մի երկարազլուխ կմախք, (№ 550) մէջքին մի բրոնզէ գօտի և նոյնպիսի դաշոյն. (№ 10), ձեռներին չորս բրոնզէ ապարանջան: Նրկու կողքերին, նոյն, արևելքից արևմուտք ուղղուած պարկած էին երկական կմախքներ, (№ № 551, 552, և 554) իսկ սրանց սնարի մօտ՝ տրեկա-հարաւային կողմում պըպըզած էր մի ուրիշ կմախք, դանգի (№ 553) վրայ մի պուլիկ դրուած: Պարկած կմախքների շուրջը դարսուած էին 13 պուլիկ:

Որովհետև այս դամբաններից շատերը գտնուած էին Նոր-Բայազէտից դէպի Բասարգեչար տանող ճանապարհի վրայ, ուստի գրեթէ բոլոր ճանապարհորդները մօտենում էին դամբաններին և հետաքրքրութեամբ դիտելուց և ինձնից մի քանի բացատրութիւններ խնդրելուց յետոյ իրենք էլ պատմում էին թէ այս ինչ ժամանակ արտը վարելիս, կամ մի որևէ շինութիւն շինելիս բացուեց մի դամբան, և գտնուեցան այսպիսի իրեր, որոնք նրանք դէն ձգեցին կամ տուին երեխաներին խաղալու, չգիտենալով թէ կարող են պէտք գալ: Այս գիւղացիներից մինն էլ ասաց, թէ ութ տարի առաջ՝ իրենց գոմի համար հիմ փորելիս բացուեց մի գերեզման, որի միջից բացի բազմաթիւ կմախքներից, դուրս եկաւ և մի քար, որի վրայ գիր կայ և որ հէ ոք չէ կարողացել այդ գիրը կարդալ: Իմ հարցման, թէ ձեռք է այժմ այդ քարը, նա պատասխանեց, թէ պատի մէջ շարել էին, սակայն մի

ուսմ ձգող տիրացու ասաց, թէ քնաս կը տայ տանը, հանեցէք դէն ձգեցէք, մենք էլ հանեցինք, հիմի դուսնը ընկած է: Ես անմիջապէս գնացի այդ գիւղացու հետ նրա տունը, որ գտնուում է մօտակայ Ղուլլալի գիւղում և քարը սայլով բերի Նոր-Բայազետ, որտեղից և ուղարկեցի Հայոց Ազգազրական ընկերութեան Հնագիտական-ազգագրական թանգարանը: Այս արձանագրութեան լուսանկարն ու էստամպաժը ուղարկեցի Ներսիսյան հնագէտներին կարգալու:

Հոկտեմբերի 17-ին ես ուղևորուեցայ կրկին դէպի Ղարանլուղ՝ անցեալ ամառուայ ընթացքում կիսատ թողած «Ջոջ Կոլոն» դամբանի պեղումը աւարտելու: Բնակավայր ընտրելով Ն. Ա. տիեալման գիւղը՝ ես կազմեցի բանուորական երկու խումբ, մինը իմ առաջին բանուոր Գէորգի առաջնորդութեամբ ուղարկեցի Ջոջ Կոլոնի վրայ աշխատելու, խստիւ պատուիրելով, որ շարունակեն խաչաձև պեղումը և հէնց որ գերեզմանի նշաններ երևին, անմիջապէս ինձ իմաց տան: Միւս խումբը ես տարայ Ատիեալմանից դէպի Գեօլ, ճանապարհի երկու կողքին դանուող դամբանները պեղելու: Այս աշխատանքները տևեցին մինչև նոյեմբերի սկիզբը, երբ տեղացող ձիւնը և սաստիկ ցուրտն ստիպեց ինձ վերադառնալ:

«Ջոջ Կոլոն» դամբանը մենք խաչաձև կտրեցինք, և տեսանք, որ իսկական, միակ գերեզմանը այն էր, որ ամառը մենք բացել էինք: Այժմ բացուեց այդ գերեզմանի վերայի մեծ-մեծ սալքարերը, որ անկանոն կերպով ձգուած էին այս ու այն կողմ: Գերեզմանը ձգուած էր հիւսիսից հարաւ, պատերի սալքարերից շատերը ընկած էին գերեզմանի մէջ, ուր բացի ոսկորների կըտորներից՝ ուրիշ ոչինչ չկար: Ահագին էին սալքարերը 2—3 մետր երկարութեան և մինչև մի մետր լայնութեան, գիւղացիք անմիջապէս եկան տարան՝ գոմերը սալայատակելու համար:

124—160. Ատիեալմանում ես պեղեցի 53 դամբան. սրանք բոլորն էլ գլխաւորապէս գտնուած էին Ատիեալման և Գեօլ գիւղերի միջև, այժմեան ամենակարճ ճանապարհի երկու կողմը, մասաւառդ «Դէմբը», այսինքն անջրդի, չոր, կոշուած տեղում, որ լճին շատ մօտ է: Շնորհիւ այն հանգամանքի, որ այս տեղը, ինչպէս արդէն անունն էլ ցոյց է տալիս, չորային է, կմախքները, ոսկորեայ և նոյն իսկ փայտէ իրերը բաւական լաւ էին մնացել: Ներկաթէ իրեր միմիայն մի-երկու դամբանի միջից գտնուեցին, այն էլ գրեթէ ամբողջովին փթած: Դամբանները դասաւորուած են խումբ խումբ, իւրաքանչիւրում 4—5 հատ, մեծ մասամբ հիւսիսից հարաւ ձգուած. կային նաև արևելքից արևմուտք շարուած

դամբաններու Բոլոր դամբանները պատկանում էին բրոնզի դարի վերջին. մեծ մասամբ բացւում էր մի երկարագլուխ կմախք, հիւսիսից հարաւ, աջ կողքի վրայ պարկած, կողքին մի քանի պուլիկ, իսկ իւր վրայ բրոնզէ մի քանի իր, մանաւանդ ապարանջան և մատանի: Չանց առնելով մի առ մի նկարագրելու այսպիսի դամբանները, որոնց հանդիպել եմ և միւս նեկրոպոլիսներում, յիշենք աւելի ուշագրաւները, մանաւանդ այն, ուր գտնուեց նաև իւխանական մի կառք:

161. Առանձին ուշագրութեան արժանի դամբաններից առաջին տրամագիծն էր 7 մետր. բարձրութիւնը 0,60 մետր, շուրջանակի պատած էր քարերով. գերեզմանն ուղղուած էր արևելքից արևմուտք և ծածկուած 5 մեծ սալքարերով: Երկարութիւնն էր 1,50, լայնութիւնը մէկ և խորութիւնը՝ 1,20 մետր: Գերեզմանի մէջ, արևելքից արևմուտք, մէջքի վրայ և ձեռները կողքերին երկարաձգուած պարկած էր մի երկարագլուխ կմախք, որի շուրջը դրուած էին տասերկու մեծ և փոքր կաւէ ամաններ: Բացի մի վանակատի դանակից, ուրիշ ոչ մի իր չգտնուեց:

162. Երկրորդ դամբանի տրամագիծն էր 10 մետր, բարձրութիւնը 0,50 մետր: Շուրջանակի նոյնպէս պատած էր քարերով: Գերեզմանն ուղղուած էր նոյնպէս արևելքից արևմուտք, և անուշ քարով քառանկիւնի պատած. ծածկուած էր երկու մեծ սալքարերով: Երկարութիւնն էր 1,90, լայնութիւնը 1,20 և խորութիւնը 1,50 մետր:

Գերեզմանի մէջ տեղում, արևմուտքից արևելք, գլուխը մի կաւէ ամանի մէջ դրուած պարկած էր մէջքի վրայ մի երկարագլուխ կմախք, մօտը ոչ մի իր: Սրա սնարի մօտ պըպըզած էին երկու կանացի, երկարագլուխ կմախքներ, որոնցից իւրաքանչիւրի թևի վրայից գտնուեց մի-մի բրոնզէ ապարանջան: Ոտների մօտ, աջ կողմում, կային մի կնոջ և մի երեխայի կմախք, դարձեալ պըպըզած ձևով: Երեխայի վզին կար մի բրոնզէ ապարանջան: Ոտների ձախ կողմում պըպըզած էին երեք երկարագլուխ կմախք: Երկու երկարագլուխ կմախք էլ, դարձեալ պըպըզած ձևով, կային գերեզմանի հարաւային կողմում, պարկած կմախքի աջ կողքին, մինչդեռ ձախ կողքը բոլորովին ազատ էր:

163. Երրորդ դամբանն ուշագրաւ էր նրանով, որ բացուած էր, հին կմախքները ջարդ ու փշուր արած և նրանց տեղը մի քրիստոնեայ ննջեցեալ թաղած՝ արևմուտքից արևելք: Քրիստոնեաները ոչ միայն հին խաչքարերը, այլև կռապաշտական դամբանները շահագործել են:

164. Չորրորդ դամբանի տրամագիծն էր 3 մետր, բարձրու-

թիւնը 0,20 մետր. գերեզմանն ուղղուած էր հիւսիսից հարաւ, պատած անտաշ քարերով և ծածկուած երկու սալքարով: Երկարութիւնն էր 1,62, լայնութիւնը 1,10, և խորութիւնը 1,05 մետր: Գերեզմանի մէջ տեղում պարկած էր մի կմախք, հիւսիսից հարաւ, աջ կողքի վրայ և շուրջը դրուած էին 15 պուլիկ:

165. Հինգերորդ դամբանի տրամագիծն էր 8 մետր, բարձրութիւնը 1,50 մետր: Շուրջանակի պատած էր քարերով: Գերեզմանը ուղղուած էր հիւսիսից հարաւ, պատած անտաշ քարերով, և ծածկուած երկու սալքարով: Երկ. էր 2,10, լայն. 1,60 և խորութիւնը՝ 1,20 մետր: Գերեզմանի մէջ տեղում, հիւսիսից հարաւ, աջ կողքի վրայ պարկած էր մի երկարագլուխ կմախք, մօտը մի բրոնզէ դաշոյն, ոտի և թևի երկական բրոնզէ ապարանջան, շուրջը պլպլդած տասն և իննը երկարագլուխ կմախքներ, որոնցից երկուսը երեխայի: Երեք կմախք էլ անկանոն կերպով ընկած էին, թևի ոսկորները և դանդը կոտորատուած: Այս կմախքների վրայից բաւականաչափ ուլունքներ, բրոնզէ մատանիներ և ապարանջաններ գտնուեցան:

166. Վեցերորդ դամբանի տրամագիծն էր 7 մետր, բարձրութիւնը կէս մետր. շուրջանակի պատած էր քարերով: Գերեզմանը ուղղուած էր հիւսիսից հարաւ, անտաշ քարով պատած և երկու սալքարով ծածկուած: Երկարութիւնն էր 2 մետր, լայնութիւնը 1,20 մետր և խորութիւնը 1 մետր: Գերեզմանի մէջ տեղը, հիւսիսից հարաւ, աջ կողքին պարկած էր մի երկարագլուխ կրմախք, որի մօտ, գերեզմանի արեւելեան կողմում, պլպլդած էին երկու կանացի երկարագլուխ կմախքներ, որոնց մօտից գտնուեց մի-մի բրոնզէ մատանի: Արեւմտեան կողմն էլ արեւմուտքից արեւելք՝ պարկած էր մի երեխայի կմախք՝ մօտը տաւարի ոսկորներ: Ըստ երևոյթին այս երեխայի կմախքը, որ քրիստոնէի պիտի լինի, թաղուած է եղել յետոյ՝ կռապաշտական դամբանի մի անկիւնում, ուր տաւարի ոսկորներն են եղել, որոնք և ֆնացել են այնպէս ընկած:

167. Եօթերորդ դամբանի տրամագիծն էր 5 մետր, բարձրութիւնը 0,60 մետր. գերեզմանի ուղղութիւնն էր հիւսիսից հարաւ, անտաշ քարով պատած և երկու սալքարով ծածկուած: Երկարութիւնն էր 1,50, լայն. 1,20 և խորութիւնը 1 մետր: Գերեզմանի մէջ տեղում, հիւսիսից հարաւ պարկած էր մի երկարագլուխ կմախք, կողքին մի բրոնզէ դաշոյն (№ 43): Այս կմախքի ոտների մօտ պլպլդած էր մի կանացի կմախք՝ ձեռին մի բրոնզէ ապարանջան:

168. Ութերորդ դամբանի տրամագիծն էր 7 մետր, բարձրու-

թիւնը՝ 2 մետր. գագաթը տափարակ էր, և շուրջանակի պատած քարերով: Գերեզմանն ուղղուած էր հիւսիսից հարաւ, պատած անտաշ քարերով և ծածկուած երկու մեծ սալքարով: Երկարութիւնն էր 2,30, լայնութիւնը՝ 1,70, խորութիւնը՝ 1,30 մետր: Գերեզմանի մէջ տեղում, հիւսիսից հարաւ, աջ կողքի վրայ պարկած էր մի երկարազուլեւ կմախք, որի մօտից գտնուեց մի բրոնզէ գօտի, երկու բրոնզէ ապարանջան և մի բրոնզէ մանեակ: Այս կմախքի մօտ գլխի վրայ ընկած էր մի նոյնպէս երկարազուլեւ, կանացի կմախք, որի մօտ գտնուեց երկու բրոնզէ բաղանման պանդրով և մի բոժոժ (№ 473):

169. Իններորդ դամբանը սովորական դամբաններից էր. մի երկարազուլեւ կմախք՝ հիւսիսից հարաւ, աջ կողքին պարկած, միայն թէ մէջքին ունէր մի նեղ, բրոնզէ գօտի և մի դաշոյն (№ 45), թիւն մի բրոնզէ ապարանջան և մատին՝ մի մատանի:

170. Տասներորդ դամբանի տրամագիծն էր 13, բարձրութիւնը 1,50 մետր, հարթ գագաթով և շուրջանակի մեծ-մեծ քարերով պատած: Գերեզմանը ուղղուած էր հիւսիսից հարաւ, պատած անտաշ քարերով և ծածկուած երկու մեծ սալքարով: Երկարութիւնն էր 2,40, լայնութիւնը 1,80 և խորութիւնը՝ 2 մետր: Գերեզմանի մէջ տեղում, երեսները միմեանց դարձրած, հիւսիսից հարաւ պարկած էին երկու կմախք, որոնց մօտից գտնուեց մի բրոնզէ փոքրիկ (№ 48) և երկու վանակատի դանակներ: Սրանց մնարի մօտ կար մի գորշուկի կմախք: Գերեզմանի արեւելեան կողմում պըպըզած ձևով կար մի երկարազուլեւ մարդու կմախք, որի մօտ պարկած դրութեամբ գտնուում էր մի ձիու և մի գորշուկի կմախք, ինչպէս մի հորթի գլուխ:

170. Տասն և մէկերորդ դամբանի տրամագիծն էր 10,50, բարձրութիւնը 1,50 մետր: Գագաթը ծածկուած էր կարկառով: Գերեզմանն ուղղուած էր արեւելից արեւմուտք, պատած էր անտաշ մեծ քարերով և ծածկուած երկու սալքարով: Երկարութիւնն էր 2, լայնութիւնը 1,30 և խորութիւնը 2 մետր: Գերեզմանի մէջ տեղում, հիւսիսից հարաւ, երեսները միմեանց դարձրած, պարկած էին մի տղամարդու և մի կնոջ կմախք: Սրանց ոտներին մօտ, ուրեմն հարաւային կողմում, պըպըզած էր մի կնոջ կմախք: Առաջինի, պարկած տղամարդու, կողքից դուրս եկաւ մի բրոնզէ դաշոյն (№ 53), իսկ կնոջ վրայից՝ մի բրոնզէ ապարանջան, մի լայն մատանի և բաւականաչափ ուլունքներ: Կային նաև ձկան և զառան ոսկորներ:

171. Տասներկուերորդ դամբանի տրամագիծն էր 13 և բարձրութիւնը 1,50 մետր: Շուրջը պատած էր քարերով: Գերեզմ-

մանն ուղղուած էր հիւսիսից հարաւ, պատած անտաշ քարերով և ծածկուած երեք սալքարով: Գերեզմանի հիւսիս-արևմտեան անկիւնում պըպըզած էր մի երկարագլուխ մարդու կմախք, մէջքին մի դաշոյն (№ 38), թևին՝ ապարանջան և կողքին՝ երկու պուլիկ: Գերեզմանի հարաւային կողմում միմեանց վրայ թափուած էին երեք մարդու կմախք, որոնց գանգերը ներքևում էին, ոտները վերև: պարզ է, որ վերևից իրենք իրենց կամ ուրիշները ձգել էին սրանց: Աւելի հաւանական է, որ սրանց բռնի ձգած լինէին, որովհետև սրանցից մինի կմախքի միջից գտնուեց մի բրոնզէ նետ:

172. Տասերեքերորդ դամբանի տրամագիծն էր 12 մետր, բարձրութիւն 2,50 մետր: Դուրջանակի պատած էր մեծ-մեծ քարերով, և ամբողջովին ծածկուած կարկառով: Գերեզմանը ուղղուած էր արևելքից արևմուտք, պատած մեծ, անտաշ քարերով և ծածկուած երեք սալքարերով: Երկարութիւնն էր 3, լայնութիւնը 1,50 և խորութիւնը 1,20 մետր: Գերեզմանի մէջ տեղում պարկած էին մի տղամարդու և կնոջ երկարագլուխ կմախքներ, երեսները միմեանց դարձրած և իրենց մէջ տեղում ունենալով մի երեխայի կմախք: Կնոջ ձեռներին և ոտներին կային բրոնզէ ապարանջաններ, իսկ կողքին մի բաղանման պանտըլիկ (№ 527): Սրանց աջ կողմում, հետևապէս գերեզմանի արևելեան մասում, պըպըզած ձևով կար մի մարդու կմախք, իսկ արևմտեան կողմում անկանոն կերպով, միմեանց վրայ թափուած էին երեք նոյնպիսի կմախքներ: Մի կմախք էլ հիւսիսային կողմում, պարկած զոյգի սնարի մօտ էր ընկած: Երեք պուլիկ, տաւարի ռսկորներով և հողով լի դըրուած էին նոյն, պարկած զոյգի ոտների մօտ:

173. Տասնհորսերորդ դամբանի տրամագիծն էր 10,50, իսկ բարձրութիւնը՝ 1,50 մետր: Նոյնպէս պատած էր մեծ-մեծ քարերով: Գերեզմանը ուղղուած էր հիւսիսից հարաւ, պատած անտաշ քարով և ծածկուած երկու մեծ սալքարով: Երկարութիւնն էր 2, լայնութիւնը 1,90 և խորութիւնը՝ 1,30 մետր:

Գերեզմանի մէջ տեղում, հիւսիսից հարաւ, աջ կողքի վրայ պարկած էր մի տղամարդու երկարագլուխ կմախք, որի աջ կողմում պըպըզած էր մի ուրիշ, կանացի կմախք: Պարկած կմախքի ոտներին կար մի-մի բրոնզէ մեծ ապարանջան, իսկ պըպըզած կմախքի մէջքին բրոնզէ մի գօտի և թևի նոյնպիսի երկու ապարանջան:

176. Տասնհինգերորդ դամբանի տրամագիծն էր 17 մետր, բարձրութիւնը 0,60 մետր: Գերեզմանի երկարութիւնն էր 2,40, լայնութիւնը մէկ ու կէս և խորութիւնը 2 մետր. ուղղուած էր արևելքից արևմուտք, և ծածկուած երկու մեծ սալքարով: Գերեզ-

մանի մէջ տեղում, հիւսիսից հարաւ պարկած էր մի երկարագլու-
լուխ կմախք, որի աջ կողքին պըպըզած դրութեամբ կային մի
կնոջ և մի երեխայի կմախքներ, մօտը մի պուլիկ դրուած: Մի քիչ
հեռու, պարկած կմախքի ոտներէ մօտ, միմեանց վրայ ընկած
էին երկու կմախք, որոնց մօտից գտնուեցան մի բրոնզէ և մի
սկորէ նետ:

175. Տանակեցերորդ դամբանի տրամագիծն էր 7 մետր,
բարձրութիւնը 70 սանտիմետր: Գերեզմանը ուղղուած էր հիւ-
սիսից հարաւ, և ծածկուած երկու մեծ սալքարով. երկարութիւնն
էր 2 մետր, լայնութիւնը 1,50 մետր և խորութիւնը 1,80 մետր:
Գերեզմանի մէջ տեղում, երեսները միմեանց դարձած պարկած
էին մի տղամարդու և մի կնոջ կմախք, (№№ 579 և 580 գան-
գերը) որոնց սնարի մօտ դրուած էր մի երեխայի կմախք: Տղա-
մարդու կմախքի մօտից գտնուեց մի բրոնզէ դաշոյն, (№ 52),
իսկ կնոջ մօտից երկու բրոնզէ ապարանջան և ուլունքներ:

176. Ժէ. դամբանը չափազանց հետաքրքրական էր: Սրա
տրամագիծն էր 18 մետր, իսկ բարձրութիւնը կէս մետր. շուրջա-
նակի պատած էր մանր քարերով: Հողակոյտն արդէն քանդուած
էր: Գերեզմանը քաւանկիւնի էր, ուղղուած արեւելքից արեւմուտք,
չորս կողմը անտաշ, մեծ-մեծ քարերով պատ քաշած և իւրաքան-
չիւր անկիւնում մի փայտէ սիւն կանգնեցրած: Երկարութիւնը
3,20 մետր էր, լայնութիւնը 2,50 մետր և խորութիւնը 3,30 մետր:
Ամբողջովին լցուած էր հողով և ծածկուած երեք ահագին սալքա-
րերով, որոնցից միայն մինը մեծ դժուարութիւններով մենք
կարողացանք վերցնել: Երեք կողմի պատերի քարերը համեմա-
տաբար մեծ էին, իսկ չորրորդինը, արեւելեանը, փոքր և հշ այն-
քան կանոնաւոր կերպով դարսուած, այնպէս որ կարելի է են-
թադրել, որ ննջեցեալներին թաղելուց յետոյ է հապճեպով շա-
րուած:

Այս գերեզմանի մէջ, երկարութեամբ, գտնուեց մի, ամբող-
ջովին փայտից շինուած, սայլ (№ 895). որի ստին ծանրու-
թիւնից կոտորուել էր և առեղները վերև էին բարձրացել: Սրա վը-
րայ պարկած էր մի երկարագլուխ կմախք, (№ 583) աջ կողքին,
ոտները փոքր ինչ յետ ծալած և երեսը դէպի հարաւ դարձրած:
Սրա գանգի վրայ կար մի վարսակալ (№ 92), մէջքին մի լայն
գօտի՝ վերան մի մեծ և մի փոքր դաշոյն (№ № 95 և 98) և մի
դանակ (№ 99), աջ ձեռին մի ապարանջան (№ 91) և մի մատանի
(№ 90): Կողքին դրուած էր մի գայիսոնի գլուխ (№ 96), իսկ աջ ձեռին
ուռէր մի երկժանի (№ 100): Այս բոլոր, ինչպէս և այս դամբանի
մէջ գտնուած միւս իրերը բրոնզէ էին և երկաթի հշ մի հետք չկար

Այս իշխանական կմախքի շուրջը անկանոն կերպով ընկած էին 13 մարդկային կմախքներ, որոնցից շատերի գանգերը (№ № 581, 582, 584, 585) ներքևումն էին, իսկ ոտները վերևում։ մի քանիսի ոսկորներն էլ կոտրատուած էին, պարզ է՝ որ վերևից ձգուած էին գերեզմանի մէջ։ Այս տասերեք կմախքների վրայից զսնուեցաւ, միայն 30 մատանի, մի բրոնզէ օղ, իսկ մի կոտորուած բաղկոսկրի վրայ երեք բրոնզէ ապարանջան։ Մասամբ սայլի վրայ, մասամբ էլ նրա շուրջը շարուած էին 18 մեծ և փոքր կաւէ ամաններ։

Սայլի գլխի մօտ, ուրեմն գերեզմանի արևմտեան կողմում, բացուեցան չորս եղան կմախքներ, որոնք հետևապէս՝ լծուած են եղել այս դիակառքին։ Սայլի լծի մօտ, երեսի վրայ ընկած էր մի երկարագլուխ մարդու կմախք, որ հաւանօրէն սայլապանը կարող էր լինել։ Լծի մէջ տեղում ամրացած էր մի սնամէջ, բրոնզէ այծեամ, (№ 101) երեք գնդակիկներով, որ շարժուելիս զննզղւում է։

Սայլի հիւսիսային կողմը, անիւի մօտ գտնուեց մի վարաղի դանդ (№ 894) և նրա կմախքի մի քանի մասեր։

Սայլի մանրամասն նկարագրութիւնը զետեղում եմ գրտնուած բոլոր իրերի նկարագրութեան բաժնում։

Ն. Ատիտիամանից անցայ Գեօլ, ուր ոչ միայն գիւղի շրջակայքում, այլ նոյնիսկ կենտրոնում, գիւղական դատարանի շինութեան հանդէպ կան բաւականաչափ դամբաններ։ Գիւղացիներն իրենց դամբանքն արտայայտելով, որ «այդպիսի չնչին բաների» վրայ ես ուշադրութիւն եմ դարձնում և դրամ ծախսում, սկսեցին պատմել, թէ որքան դամբաններ էին բացուել դաշտերը վարելիս կամ շինութեան համար քար հանելիս։ Գտնուած իրերի մեծ մասը կոտրել, ոչնչացրել էին, որովհետեւ մի որեւէ բանի չէին կարողացել գործածել։ Մի գիւղացի էլ պատմեց հետեւալը. «Վար անելիս խփը մի քարի դէմ ընկաւ, հանեցինք քարը և տեսանք, որ նրա տակ մի կարաս կայ, մէջը մի մեծ մարդու կմախք։ Ոսկորները դուրս տուինք, յուսալով որ մի բան կը գտնենք կարասի մէջ, սակայն ոչինչ չկար, բացի մի պուլիկից, որ դէն ձգեցինք։ Կուղէինք կարասն էլ կոտրել, բայց լաւն էր, հանեցինք բերինք տուն, մեր կանայք լուացին և մէջը թուռշի դրինք։ Ես անմիջապէս գնացի այդ տունը, գնեցի կարասը և ուղարկեցի Հայոց Ազգագրական ընկերութեան Հնագիտական-Ազգագրական Թանգարանը (№ 896)։ Այս կարասը միանգամայն նման է այն կարասներին, որ ես գտայ Նորագույն և Վերին Ատիտեաման գիւղերում։ Սրանք իրենց

ձևով գրեթէ չեն տարբերուում այժմեան հայ գեղջկուհիների ձեռքով շինուած կարասներէց:

Ես շատ էի ցանկանում անցնել Մեծ-Մաղրա գիւղը, և պիղիլ սրա մօտ հղած երեք, բաւական մեծ դամբանները, ինչպէս և անցնել Նաղեժգինօ գիւղը, Սեանայ լճի հիւսիսային ափը, և պիղիլ Աղա-Թափա Թերակղզու վրայ գտնուած դամբանները, սակայն արդէն նոյեմբերի սկիզբն լինելով՝ ձիւնը տեղում էր և ցուրտը ստիպում ընդհատել աշխատանքները:

Ես վերադարձայ Թիֆլիս՝ փափագելով միջոցներ գտնել առաջիկայ գարնանը պեղելու Ղըու-Բուլաղ գիւղում գտնուած երկու հսկայական դամբանները, որոնք գտնուում են գիւղի արեւմտահարաւային կողմում, հազիւ կէս կիլոմետր հեռու: Սրանք միմեանց կից են, մեծը փոքր ինչ երկայնաւոյն է, փոքրը կոլոր: Մեծի երկարութիւնը մօտաւորապէս կը լինի 150 մետր, լայնութիւնը մօտ 30 մետր և բարձրութիւնը այժմ մօտ 25 մետր: Գագաթը հարթ է և հիւսիսային ծայրում կայ մի հայկական խաչաքար՝ ջնջուած տապանագրով: Շուրջանակի պատած է մեծ-մեծ քարերով, որոնցից շատերը գիւղացիներն արդէն տարել են: Շինութիւնների համար հող տանելու նպատակով գիւղացիները փորել են այս դամբանի հիւսիսային կողմը և մի քանի պուլիկ, ուլունքներ գըտել: